

Pelan Induk Perjalanan Merentasi Masa menandakan suatu langkah utama dalam melindungi serta berkongsi tapak kebudayaan dan warisan AlUla kepada dunia

- Lima daerah unik yang dihubungkan oleh wilayah awam sepanjang 20 km yang dikenali sebagai Wadi Hospitaliti, akan memelihara sejarah manusia dan alam semula jadi yang berusia 200,000 tahun di seluruh kawasan bersejarah AlUla sepanjang 20 km, sebuah landskap budaya yang unik yang terletak di barat laut Arab yang merangkumi sebuah wadi (lembah sungai bermusim) hingga ke bandar Hegra, Nabata iaitu sebuah Tapak Warisan Dunia UNESCO.

- Pelan induk pertama dalam satu siri perancangan untuk AlUla ini adalah menjadikannya sebagai Muzium Hidup dan merangkumi 15 aset kebudayaan baharu, sebuah Oasis Kebudayaan sepanjang 9 km yang diberi nafas baharu, kawasan hijau dan terbuka seluas 10 juta meter persegi serta landasan trem rendah karbon sepanjang 46 km dengan tawaran 5,000 bilik hotel tambahan yang menyumbang kepada hospitaliti di AlUla.

ALULA, Arab Saudi, 7 April 2021 /PRNewswire/ -- Yang Teramat Mulia Putera Mahkota Mohammed bin Salman, Pengerusi Suruhanjaya Diraja AlUla, hari ini melancarkan Pelan Induk Perjalanan Merentasi Masa (The Journey Through Time Masterplan) untuk AlUla, Arab Saudi yang akan memukau para pengunjung dengan sejarah manusia dan alam semula jadi berusia 200,000 tahun.

Untuk melihat Siaran Berita Multimedia, sila klik: <https://www.multivu.com/players/uk/8878751-the-journey-through-time-masterplan-alula-cultural-heritage-site/>

Rekaan dan ruang berwawasan pelan induk Perjalanan Merentasi Masa ini menetapkan sebuah program dalam jangka masa 15 tahun untuk membangunkan wilayah bersejarah utama AlUla secara bertanggungjawab dan lestari, sebuah landskap kebudayaan unik yang terletak di barat laut Arab.

Pelan ini menyumbang kepada kemajuan Wawasan 2030 Arab Saudi yang membuka suatu fasa baharu dalam pembangunan AlUla sebagai sebuah Muzium Hidup sambil mempercepat pertumbuhan ekonomi yang pelbagai dan komuniti yang bersemangat.

Pelan Induk Perjalanan Merentasi Masa ini akan mengubah AlUla menjadi destinasi global untuk warisan, alam semula jadi, kesenian dan kebudayaan. Ciri-ciri utama pelan ini ialah:

- Lima daerah yang merangkumi pusat utama AlUla sepanjang 20 km akan berfungsi sebagai arah laluan dalam Perjalanan Merentasi Masa ini, bermula dari Kota Lama yang terletak di selatan hingga ke Bandar Bersejarah Hegra di utara, setiap satunya dibentuk oleh warisan alam semula jadi dan kebudayaan tapak masing-masing. Daerah-daerah ini ialah: Kota Lama AlUla (Daerah 1); Dadan (Daerah 2); Jabal Ikmah (Daerah 3); Horizon Nabata (Daerah 4) dan Bandar Bersejarah Hegra (Daerah 5).
- Setiap daerah akan memberi tumpuan kepada tapak warisan sedia ada dan melalui oasis purba AlUla. Kawasan sepanjang 9 km ini yang merupakan pusat Oasis Kebudayaan, akan diberi nafas baharu sepenuhnya yang bermula di Kota Lama AlUla.
- Lima belas asset kebudayaan baharu termasuk muzium, galeri dan pusat kebudayaan akan menjadi mercu tanda di setiap daerah.
- Wadi Hospitaliti sejauh 20 km yang terletak di sepanjang oasis purba ini akan menghubungkan lima daerah ini dan menjadi 'tulang belakang' kepada laluan pejalan kaki yang hijau untuk Perjalanan Merentasi Masa ini.
- Laluan trem berkarbon rendah sepanjang 46 km akan menghubungkan Lapangan Terbang Antarabangsa AlUla dengan lima daerah ini. Jalan raya serta laluan basikal, penunggang kuda dan pejalan kaki yang berpemandangan indah akan mempromosikan pendekatan yang lancar dan pengalaman untuk mobiliti serta memperjuangkan perjalanan rendah karbon.
- Wadi dan laluan trem rendah karbon ini kebanyakannya akan mengikuti laluan sama yang digunakan oleh jemaah haji yang telah menggunakan Kereta Api Hijaz selama berabad-abad lamanya, memastikan kenangan dan pengalaman berharga yang tidak dapat dilupakan dalam menempuh peralihan perjalanan dari oasis ke padang pasir.

- Menambah sejumlah 5,000 bilik penginapan ke dalam sasaran keseluruhan iaitu sebanyak 9,400 bilik penginapan menjelang tahun 2035, setiap daerah akan menawarkan gabungan pilihan tempat tinggal dan hospitaliti tersendiri yang terdiri daripada hotel dan resort ekopelancongan hingga ke penginapan mewah dan kanyon yang dibentuk menjadi batuan batu pasir.
- Kingdoms Institute yang merupakan komponen utama pelan ini akan menjadi hab global bagi pengetahuan dan penyelidikan arkeologi yang mengkhusus untuk kebudayaan dan peradaban kawasan ini yang berusia lebih 7,000 tahun, termasuk kerajaan purba Dadan dan Lihyan serta warga Nabata yang hebat yang membina bandar Hegra, sebuah Tapak Warisan Dunia UNESCO.

Pelan Induk Perjalanan Merentasi Masa ini dibangunkan di bawah kepemimpinan YTM Putera Mahkota dan bimbingan YM Putera Badr, Menteri Kebudayaan Arab Saudi dan Gabenor Suruhanjaya Diraja AlUla (RCU).

Pelan Induk Perjalanan Merentasi Masa ini direka berdasarkan ciri-ciri yang sedia dimiliki oleh AlUla - sebuah oasis kebudayaan, warisan, alam semula jadi dan komuniti yang unik – sambil menghasilkan warisan abadi dengan kisah-kisah silam untuk pengetahuan masa hadapan dan membuka fasa baharu dalam sejarah AlUla yang belum diteroka.

Setiap daerah dalam Pelan Induk Perjalanan Merentasi Masa ini merupakan mercu tanda kebudayaan masing-masing dan mencerminkan sejarah, topografi serta alam semula jadi yang tersendiri dan sentiasa berkembang serta unik bagi setiap lokasi tersebut. Sistem ruangan dalam perkampungan, pengalaman dan aset budaya yang amat berbeza ini direka untuk berpusatkan pengunjung dan memberi penghargaan yang lebih menyeronokkan terhadap penemuan, penerokaan dan penginapan yang lebih lama.

Melambangkan komitmen baharu Arab Saudi terhadap pemeliharaan dan perlindungan warisan dunia, pengetahuan dan penyelidikan, pelan induk ini disokong oleh kajian saintifik yang meluas tentang bentuk-bentuk manusia serta evolusi persekitaran dan geologi AlUla yang dibangunkan oleh sekumpulan pakar dari Arab Saudi dan antarabangsa.

Sebagai tindak balas langsung terhadap cabaran membangunkan persekitaran padang pasir yang rentan ini secara lestari dan bertanggungjawab, usaha pengisian semula Oasis Kebudayaan utama sepanjang 9 km ini - melalui penyelidikan dan penyelesaian inovatif - akan menjadi suatu elemen penting dalam pelan induk ini. Menyumbang kepada Inisiatif Hijau Arab Saudi, pembangunan semula AlUla ini adalah disokong oleh strategi untuk memuliharkan tanah dan menghentikan penggurunan di kawasan ini. Dengan pengembangan kawasan hijau dan terbuka AlUla yang berkeluasan hingga 10 juta meter persegi secara besar-besaran, ia akan menyediakan perlindungan bagi tapak arkeologi AlUla, peluang untuk pengeluaran pertanian yang lestari serta pengalaman yang mempesonakan bagi para pengunjung.

Kedua-dua projek utama pelan induk ini – Kingdoms Institute dan Oasis Kebudayaan – mencerminkan komitmen Arab Saudi untuk menawarkan suatu model yang berdaya maju kepada dunia dalam melindungi, memelihara dan menyumbang kepada warisan kebudayaan dan alam semula jadi dunia.

Mencipta suatu pandangan baharu dan seimbang tentang konsep yang merangkumi perlindungan, pemuliharaan, pemulihan, pengisian semula dan pembangunan, Piagam Kelestarian AlUla menetapkan landasan untuk pendekatan yang inovatif dan bersepadu ke arah kelestarian. Piagam ini merangkumi polisi sifar karbon yang digabungkan dengan prinsip ekonomi kitaran dan polisi kebingkasan yang kukuh dalam pembangunan warisan dan kawasan berpersekitaran sensitif, pengurusan banjir dan air serta penanaman pokok yang lebih baik, yang menjadi elemen utama kepada pelan induk ini.

Sebagai pelaburan pertama dan terpenting bagi warga AlUla dan masa depan mereka, pelan induk ini merangkumi komitmen RCU terhadap keterangkuman masyarakat. Perkhidmatan berdasarkan komuniti, kemudahan kebudayaan dan pendidikan yang diterapkan sepenuhnya dalam pelan ini akan

mewujudkan ekonomi pelancongan, kebudayaan dan pertanian yang lebih kukuh untuk AlUla. Pertumbuhan ekonomi bukan sahaja mengembangkan bakat dalam kalangan komuniti tempatan AlUla yang telah melindungi nilai turun-temurun, teknik dan tradisi nenek moyang selama ribuan tahun yang lalu, malah ia turut memupuk masyarakat yang berkembang maju dan bersemangat dalam sebuah tempat yang hebat untuk menetap, bekerja dan meneroka.

Pelan Induk Perjalanan Merentasi Masa ini ialah yang pertama dalam siri perancangan AlUla serta merupakan bahagian pertama dan paling penting dalam pembangunan AlUla. Ia akan dilaksanakan dalam tiga fasa hingga tahun 2035, fasa pertama disasarkan akan siap pada tahun 2023, dengan matlamat untuk memberikan pengalaman berpusatkan pengunjung yang komprehensif.

Apabila strategi pembangunan yang lebih besar untuk AlUla siap pada tahun 2035, sebanyak 38,000 pekerjaan baharu akan wujud dalam populasi yang meningkat hingga 130,000 orang, manakala AlUla akan menyumbang sebanyak SAR120 bilion bagi KDNK Kerajaan Arab Saudi (USD32 bilion). Selain itu, 80 peratus daripada Wilayah AlUla akan dikhususkan sebagai rizab alam semula jadi dengan flora dan fauna utama yang akan diperkenalkan semula.

Ini akan dicapai melalui pendapatan yang dijana dengan mengalau-alukan kedatangan dua juta pengunjung setiap tahun, menawarkan sejumlah 9,400 penginapan hotel dan seterusnya mempromosikan pertanian, kesenian dan kebudayaan serta pelancongan sebagai pemacu ekonomi utama bagi AlUla. Peluang yang unik akan menggalakkan dan mempercepat lagi perniagaan dan pelaburan daripada rakan kongsi yang berkongsi nilai-nilai RCU tentang kelestarian, pembangunan yang bertanggungjawab dan keterangkuman masyarakat.

Untuk pertanyaan media, sila hubungi pasukan Perhubungan Awam RCU di

publicrelations@rcu.gov.sa

Tentang AlUla

Terletak sejauh 1,100km daripada Riyadh di barat laut Arab Saudi, AlUla merupakan tempat warisan manusia dan alam semula jadi yang luar biasa. Kawasan yang besar ini meliputi keluasan 22,561 km² yang terdiri daripada sebuah lembah oasis yang subur, pergunungan batu pasir yang menjulang tinggi serta tapak warisan budaya purba yang wujud sejak ribuan tahun dahulu.

Tapak yang paling terkenal dan diiktiraf di AlUla ialah Hegra iaitu Tapak Warisan Dunia UNESCO yang pertama di Arab Saudi. Hegra ialah sebuah bandar purba seluas 52 hektar dan merupakan bandar selatan yang utama bagi Kerajaan Nabata serta mempunyai hampir 100 makam yang terpelihara dengan baik dengan fakad terperinci yang dipotong menjadi singkapan batu pasir. Penyelidikan semasa menunjukkan bahawa Hegra merupakan kota kara Empayar Rom yang paling selatan setelah penaklukan Nabata pada tahun 106 SM.

Selain Hegra, AlUla memiliki sejumlah tapak-tapak bersejarah dan arkeologi yang menarik seperti: sebuah Kota Lama yang dikelilingi sebuah oasis purba iaitu Dadan, ibu negara Kerajaan Dadan dan Lihyan, yang dianggap sebagai salah sebuah bandar milenia pertama SM yang termaju di Semenanjung Arab; ribuan tapak dan inskripsi seni batu purba di Jabal Ikmah; dan stesen Kereta Api Hijaz.

Nota kepada editor:

Kingdoms Institute berbentuk jamak, bukan posesif.

Ia dieja sebagai AlUla / bukan Al-Ula.

Tentang Suruhanjaya Diraja AlUla

Suruhanjaya Diraja AlUla (RCU) ditubuhkan oleh dekri diraja pada bulan Julai 2017 untuk memelihara dan membangunkan AlUla, sebuah wilayah yang mempunyai alam semula jadi yang luar biasa dan budaya yang signifikan di Barat Laut Arab Saudi. Pelan jangka panjang RCU menggariskan pendekatan yang bertanggungjawab, lestari dan sensitif terhadap pembangunan bandar dan ekonomi yang mengekalkan warisan semula jadi dan bersejarah di kawasan ini di samping menjadikan AlUla sebagai lokasi yang menarik untuk didiami, bekerja dan dilawati. Ini mencakup pelbagai inisiatif yang merangkumi arkeologi, pelancongan, kebudayaan, pendidikan dan seni yang mencerminkan komitmen untuk memenuhi kepelbagaian ekonomi, pemerksaan komuniti tempatan dan keutamaan pemeliharaan warisan dari program Wawasan 2030 Kerajaan Arab Saudi.

Tentang AFALULA (Agensi Perancis untuk pembangunan AlUla)

RCU bekerjasama erat dengan rakan kongsinya, Agensi Perancis untuk Pembangunan AlUla (French Agency for AlUla Development, AFALULA) dalam pembangunan pelan induk ini. AFALULA telah ditubuhkan di Paris pada bulan Julai, 2018 susulan perjanjian antara kerajaan yang ditandatangani oleh Perancis dan Arab Saudi pada bulan April tahun tersebut. AFALULA bermatlamat untuk menyokong rakan kongsi Arab Saudinya iaitu Suruhanjaya Diraja AlUla (RCU) dalam pembinaan bersama pembangunan ekonomi, pelancongan dan kebudayaan AlUla iaitu sebuah wilayah yang terletak di Barat Laut Arab Saudi yang mempunyai kelebihan warisan alam semula jadi dan kebudayaan yang luar biasa. Misi agensi ini adalah untuk menggerakkan pengetahuan dan kepakaran Perancis serta mengumpulkan pengendali dan syarikat terbaik dalam bidang arkeologi, museografi, seni bina, alam sekitar, pelancongan, hospitaliti, infrastruktur, pendidikan, keselamatan, pertanian, botani dan pengurusan sumber alam semula jadi yang lestari.

Usaha pembangunan RCU yang lain

Selama tiga tahun kebelakangan ini, RCU telah menjalankan usaha pembangunan yang lain dengan pelbagai rakan kongsi di seluruh dunia. Ini termasuk meningkatkan kapasiti sebanyak 300 peratus di lapangan terbang antarabangsa AlUla yang telah menerima penerbangan antarabangsanya yang pertama baru-baru ini dan membina Maraya iaitu sebuah tempat persidangan dan hiburan pelbagai kegunaan yang memenangi anugerah. Maraya, sebuah bangunan bercermin terbesar di dunia dan mempunyai 500 tempat duduk, telah menganjurkan acara-acara istimewa global seperti Persidangan Nobel Laureates Hegra dan Winter di festival kebudayaan Tantora yang menampilkan barisan artis seperti Andrea Bocelli dan Lang Lang. Selain itu, projek hospitaliti istimewa yang diumumkan sebelum ini juga merangkumi pembangunan resort-resort mewah melalui kerjasama dengan Accor/Banyan Tree, Habitas dan Jean Nouvel.

Untuk maklumat lanjut, sila rujuk Lembaran Fakta RCU.